


樂府雅詞附拾遺

四



樂府雅詞

附拾遺

(四)

曾慥編

樂府雅詞卷六

朱希真

案朱敦儒字希真洛陽人有推歌三卷

水龍吟

放船千里凌波去。略爲吳山留顧。雲屯水府。濤隨神女。九江東注。北客蒼然。壯心偏感。年華將暮。念伊嵩舊隱。巢由故友。南柯夢。遽如許。回首妖氛未掃。問人間英雄何處。奇謀報國。可憐無用。塵昏白羽。鐵鎖橫江。錦帆衝浪。孫郎良苦。但愁敲桂櫓。悲吟梁父。淚流如雨。

念奴嬌

見梅驚笑。問經年何處。收香藏白。似語如愁。卻問我、何苦紅塵久客。觀裏栽桃。仙家種杏。到處成疎隔。千林無伴。淡然獨傲霜雪。且與管領春回。孤標爭肯。接雄蜂雌蝶。豈是無情。知受了、多少淒涼風月。

寄驛人遙。和羹心在。忍使芳塵歇。東風寂寞。可人誰爲攀折。

驀山溪

瓊蔬玉蘂。久寄清虛裏。春到碧溪東。下白雲、尋桃問李。彈簧吹葉。嬾傍少年場。遺楚佩。覓秦簫。踏破青鞋底。河橋酒熟。誰解留儂醉。兩袖拂飛花。空一春、淒涼憔悴。東風誤我。滿帽洛陽塵。喚飛鴛。遮落日。歸去煙霞外。

清平樂

犀。詠木

人間花少。菊小芙蓉老。冷淡仙人偏得道。買住西風一笑。前身應是江梅。黃姑點破冰肌。只有暗香猶在。飽參清似南枝。

案梅歌作飽。參清露薔薇。

全芳備和作參差清似南枝。

憶秦娥

西江碧。江亭夜燕天涯客。天涯客。一桮相屬。此夕何夕。燭殘花冷

歌聲急。秦關漢苑無消息。無消息。官機歌作戍樓吹角。故人難覓。

醉落托

海山翠疊。夕陽殿雨雲堆雪。鷓鴣聲裏蠻花發。我共扁舟。江上兩萍
葉。東風落酒愁難說。誰教春夢分胡越。碧城芳草應銷歇。曾識劉
郎。惟有半灣月。

醜奴兒

一番海角淒涼夢。卻到長安。翠帳犀簾。依舊屏斜十二山。玉人爲
我調秦瑟。顰黛低鬟。雲散香殘。風雨蠻溪半夜寒。

卜算子

江上見新年。年夜聽春雨。有箇人人領略春。粉淡紅輕注。深勸玉
東西。低唱黃金縷。撚底梅花總是愁。酒盡人歸去。

採桑子

扁舟去作江南客。旅雁孤雲。萬里煙塵。回首中原淚滿巾。碧山相映汀洲冷。楓葉蘆根。日落波平。愁損辭鄉去國人。

柳梢青

狂蹤怪迹。誰料半老。天涯爲客。帆展霜風。船隨江月。山寒波碧。如今著處添愁。怎忍看、魚西雁北。洛浦鶯花。伊川雲水。何如歸得。

減字木蘭花

古人誤我。獨舞西風雙淚墮。鶴去無蹤。木落西陵返照紅。人閒難住。擲下酒盃何處去。樓鎖鐘殘。山北山南兩點煙。

又

劉郎已老。不管桃花依舊笑。要聽琵琶。重院鶯啼覓謝家。曲終人醉。多似潯陽江上淚。萬里東風。國破山河落照紅。

鵲橋仙

嫦娥怕鬧。銀蟾傳令。且與遮鷺翳鳳。直須人睡。俗塵清。放雲漢冰輪徐動。山翁散髮。披衣松下。琴奏瑤池三弄。曲終鶴警。露華寒。笑濁世饒伊做夢。

又

竹西散策。花陰圍坐。可恨來遲幾日。披香不覺。玉壺空。破酒面飛紅半溼。悲歌醉舞。九人而已。總是天涯倦客。東風吹淚。故園春。問我輩何時去得。

鷓鴣天

曾爲梅花醉不歸。佳人挽袖乞新詞。輕紅遍寫鴛鴦帶。濃碧爭斟翡翠卮。人已老。事皆非。花前不飲淚沾衣。如今但欲關門睡。一任梅花作雪飛。

又

唱得梨園絕代聲。前朝惟數李夫人。自從驚破霓裳後。楚奏吳歌扇裏新。秦嶂雁。越溪砧。西風北客兩飄零。樽前忽聽當時曲。側帽停杯淚滿襟。

感皇恩

曾醉武陵溪。竹深花好。玉珮雲環共春笑。主人好事。坐客雨巾風帽。日斜青鳳原本作鸞。誤。據機歌改。舞。金樽倒。歌斷渭城。月沈星曉。海上歸來故人少。舊遊重到。但有夕陽荒草。恍然真一夢。人空老。

相見歡

東風吹盡江梅。橘花開。舊日吳王宮殿長青苔。今古事。英雄淚。老相催。常恨夕陽西去晚潮迴。

木蘭花慢

折芙蓉弄水。動玉珮。起秋風。正柳外閒雲。溪頭淡月。映帶疎鐘。人閒

厭謫墮久。恨蛺旌未返。碧樓空。直與時人度日。自憐懷抱誰同。當
時種玉五雲東。露冷夜耕龍。念瑞草成畦。瓊蔬未採。人照衰容。誰知
素心未已。望青都絳闕有無中。寂寞歸來隱處。夢聽帝樂融融。作捷
歌

几夢聽長
樂晨鐘

沈文伯

案沈會宗字文伯

滿庭芳

柳與堤迴。橋隨波湖。轉望中如在蓬萊。水禽高下。煙霧斂還開。認是仙翁住處。都不見一點塵埃。壺天晚。清寒帶雪。光景自徘徊。高才。廊廟手。當年平步。直到堯階。況今朝調鼎。尤待鹽梅。只恐身閒不久。難留戀。花月樓臺。看新歲。春風且送。五馬過江來。

又

雪底尋梅。冰痕觀水。晚來天氣尤寒。漸聞歌笑。輕暖發春妍。賞盡十洲新景。依稀見三島風煙。判深夜。一年月色。只是這般一作番圓。熙然。千里地。何妨載酒。頻上湖船。況坐中高客。不日朝天。須信人間好處。沒箇事。勝得樽前。東風近。侵尋桃李。別做醉黃緣。

又

疎水藏鐘。輕煙籠角。幾家簾幙燈光。暮砧聲斷。空壁鎖寒釐。入袂西風陣陣。微醉骨。都不勝涼。欄杆外。依稀嫩竹。月色冷如霜。仙鄉。何處是。雲深路杳。不念劉郎。但畫橋流水。依舊垂楊。要見時時。便是一向。價只作尋常。爭知道。愁腸淚眼。獨自箇重陽。

臨江仙

過盡清明三月雨。東風才到溪濱。畫工傳得已非真。青君著意處。桃李未爲春。倚檻盈盈如欲語。就中拈足花神。自然亭館一番新。從今觀絕品。不獨洛陽人。

夢玉人引

舊追遊處。思前事。儼如昔。過盡鶯花。橫雨暴風初息。杏子枝頭。又自然。別是般天色。好傍垂楊。繫畫舫橋側。小歡幽會。一霎時光景也堪惜。對酒當歌。故人情分難覓。水遠山長。不成空相憶。這歸去重來。

又卻是幾時來得。

驀山溪

想伊不住。船在藍橋路。別語未甘聽。更擬一作忍問而今是去。門前楊柳。幾日轉西風。將行色。欲留心。忽忽城頭鼓。一番幽會。只覺添愁緒。邂逅卻相逢。又還有此時歡否。臨歧把酒。莫惜十分斟。樽前月。月中人。明夜知何處。

漢宮春

別酒初醒。似一番夢覺。屈指堪驚。猶疑送消寄息。遇著人聽。當初喚作。據眼前。略略看承。及去了。從頭想伊。心下始覺寧寧。黃昏畫角重城。更傷高念遠。懷抱何勝。良時好景。算來半爲愁生。幽期暫阻。便更一作就中。月白風清。千萬計。年年斷除不得。是這些情。

尋梅

今年早覺花信蹉。想芳心未應誤我。一月小徑幾回過。始朝來尋見。雪痕微破。眼前大抵情無那。好景色只消些箇。春風爛漫卻且可。是而今枝上。一作三。朶兩朶。

不見

即古憶仙姿。

日過重簾未捲。裊裊欲殘香線。午醉卻醒來。柳外一聲鶯轉。不見不見。門掩落花深院。

又

回首蕪城舊苑。還是綠深紅淺。春意已無多。斜日滿簾飛燕。不見不見。花上雨來風轉。

訴衷情

深深院宇小池塘。一徑碧梧長。青春又歸何處。新筍綠成行。多少事。惱人腸。懶思量。香消一炷。睡起霎時。日過東牕。

菩薩蠻

相逢無處無樽酒。樽前未必皆朋舊。酒到任教傾。莫思今夜醒。明
朝相別後。江上空回首。欲去不勝情。爲君歌數聲。

又

春城迤邐層陰遶。青梅競弄枝頭小。江色雨和煙。行人江那邊。好
花都過了。滿地空芳草。落日醉醒閒。一春無此寒。

小重山

花過園林清蔭濃。琅玕新脫筍。綠叢叢。雨聲只在小池東。閑欹枕。直
面芰荷風。長日敞簾櫳。輕塵飛不到。畫堂空。一樽今夜與誰同。人
如玉。相對月明中。

轉調蝶戀花

谿上清明初過雨。春色無多。葉底花如許。輕暖時聞燕雙語。等閑飛

入誰家去。短牆東畔新朱戶。前日花前把酒人何處。髣髴橋邊船上路。綠楊風裏黃昏鼓。

又

漸近朱門香夾道。一片笙歌。依約樓臺杪。野色和煙滿芳草。溪光曲曲山迴抱。物華不逐人閒老。日日春風在處花枝好。莫恨雲深路難到。劉郎可惜歸來早。

陳子高

案陳克字子高臨海人。有赤城詞一卷。

臨江仙

枕帳依依殘夢。齋房忽忽餘醒。薄衣團扇繞階行。曲闌幽樹。看得綠成陰。
簷雨爲誰凝咽。林花似我飄零。微吟休作斷腸聲。流鶯百轉。解道此時情。

又

四海十年兵不解。胡塵直到江城。歲華銷盡客心驚。疎髯渾似雪。衰涕欲生冰。
送老蘼鹽何處是。我緣應在吳興。故人相望若爲情。別愁深夜雨。孤影小窗燈。

漁家傲

寶瑟塵生郎去後。綠窗閑卻春風手。淺色宮羅新染就。晴時候。裁縫細意花枝鬪。
象尺熏爐移永晝。粉香浥浥薔薇透。晚鏡看來渾似

舊。沈吟久。箇儂爭得知人瘦。

攤破浣溪沙

鬢慢梳頭淺畫眉。亂鶯殘夢起多時。不道小庭花露溼。剪酴醾。簾額好風低燕子。窗油晴日打蜂兒。翠袖粉牋閒弄筆。寫新詩。簾

浣溪沙

淺畫香膏拂紫綿。牡丹花重翠雲偏。手按梅子並郎肩。病起心情終是怯。困來模樣不禁憐。旋移鍼線小窗前。

又

香霧空濛墮彩蟾。傾城催映出重簾。□□銀燭夜厭厭。何物與儂供醉眼。半黃梅子帶紅鹽。粉融香潤玉纖纖。

又

淡墨花枝掩薄羅。嫩藍裙子窄湘波。水晶新樣碾風荷。問著似羞